

# TELE-POST-imut pequtisinerit pillugit isumaqatigiissusianut tunngatillugu neqerooruteqartitsinermi neqerooruteqartunut piumasaqaatit

## Marts 2021

## Imai

1. Aallaqqaasiut.....	3
2. Pisiniartoq .....	3
3. Isumaqatigiissutip annertussusaa .....	3
Piffissaq .....	4
Killiliineq .....	4
Neqerooruteqartitsinermit tunngasut.....	4
4. Piffissaliussanut pilersaarut .....	7
5. Apeqqutit .....	7
6. Annertussuseq .....	8
7. Isumaqatigiissut .....	8
Isumaqatigiissusiorfigisaq .....	8
Aki (TCO) .....	9
Pitsaassuseq atorsinnaassuserlu.....	9
Sullissineq pisanillu tunniussineq.....	10
Avatangiiseq.....	10
Inuiaqatigiinnut akisussaaqataaneq .....	10
8. Neqeroorummik tunniussineq .....	10
Neqerooruteqarnermit killissarititaasoq .....	10
9. Akisussaaffeqarnermit piffissarititaasoq .....	10
10. Neqeroorutip imaa.....	11
Oqaatsit.....	11
Neqeroorummut akiliuteqarneq.....	11
11. Neqeroortitsinermit angusat pillugit ilisimatitsissuteqarneq .....	11
12. Neqeroorutit nalinginnaasunit appasinneruallaat.....	11
13. Internetikkut iserfissaq .....	11
14. Neqerooruteqartumit nangaassuteqarneq .....	12

## 1. Aallaqqaasiut

Allaffinni avatangiiseq nutaaliaasoq allanngujaatsorlu TELE-POST-ip kissaatigaa, taamaalilluni allaffimmi pequtit assigiissarneqarumapput suliffeqarfimmilu isikkoq assigiaartoq nutaaliarlu qulakkeerneqarumalluni – Nuummi qullersaqarfimmi, aammali Kalaallit Nunaanni illoqarfinni allani Danmarkimilu immikkoortortaqarfinni assigiinngitsuni. Allaffinni atortunik suliffigisanillu naleqqussaanerup sulinermilu avatangiisimik pitsanngorsaaneqarnerit allat iluanni, pitsaassutsit nutaanerpaat atorneqarnissaat qulakkeerneqassaaq, aningaasaqassutsimut naleqquttup iluani sulisut sulinerminni avatangiisaannik pitsanngorsaaniarluni. Allaffimmi pequtinik pisinernut pisiallu tunniunneqarnerinut atatillugu suleriaatsit TELE-POST-ip pisariillisarumavai, taamaattumik suliffiup iluani pisiniartut allaffimmi pequtinik pisariitsumik takunnillutillu inniminniisinaanissaat qulakkeerneqassaaq, tamanna allaffimmi pequtinik nutarterinernut aningaasat ukiumoortumik missingersuusiarineqartut iluanniissimappat.

## 2. Pisiniartoq

TELE-POST

Farip. Aqq 8

3900 Nuuk

Kalaallit Nunaat

CVR-nummer 1751 6345

Saaffiginninnermi aqqutissaq:

indkob@telepost.gl

## 3. Isumaqatigiissutip annertussusaa

Neqeroortitsinermi pineqarput, piffissami isumaqatigiissutip atuuffiani TELE-POST-ip qullersaqarfianut kiisalu Kalaallit Nunaanni Danmarkimilu najukkani immikkoortortaqarfinnut assigiinngitsunut tamanut nutaanik pisiniarnissanik pisariaqartitsuarnerit.

Nerrivinnut suliffigisanut tamanut atortut ataatsimoortitat aalajangersimasut kiisalu ataatsimiiffiusartunut pequtit pineqarput.

Rev. 1.0

Neqeroortitsinerup siunertaraa Nuummi qullersaqarfimmi allaffinni assigiinngitsuni, kiisalu sinerissami Danmarkimilu immikkoortortaqarfinni, assigiissaakkanik pequteqalernissap qulakkeernissaa.

Aningaasartuutissatut ilimagineqartut: 3 mio. kr.

Isumaqatigiissusiami nutaami pisinernut apeqqutaapput aningaasat ukiumoortumik akuersissutaasut aningaasaliissutaasullu, pilersuisussatullu isumaqatigiissuteqarfigisap utaqqiisaagallartumik imaluunniit suliarisamut pisanik nassiussinernik pilersuisassaaq.

Annertussutsinut (ataasiakkaartunut) imaluunniit nalinginut (koruuninut) qulakkeerisoqarneq ajorpoq piffissami isumaqatigiissuteqarfiusumi tamarmi, pilersuisussatulli isumaqatigiissuteqarfigisap neqeroorfigisimasamut kiisalu sullissinissamini tamanik kisimi pilersuisuunissaq pissarsiarissavaa.

Assigiissaarinerup qulakkeerneqarnissaa TELE-POST-ip kissaatigaa, taamaattumik piffissami isumaqatigiissuteqarfiusumi nioqqutit neqeroorutigineqartut ingerlateqqinneqarnissaat qulakkeerneqassaaq. Taamaattumik pilersuisussamik ataasiinnarmik isumaqatigiissusiornissaq TELE-POST-ip kissaatigaa.

### Piffissaq

TELE-POST-ip kissaatigaa isumaqatigiissusiornissaq ataaseq ukiuni pingasuni ingerlasussaq, sivitsorneqarsinnaasorlu ukiukkaartunik marlunnik.

Isumaqatigiissut atuutilissaaq: 01.05.2021

Isumaqatigiissut unissaaq kingusinnerpaamik: 30.04.2026

### Killiliineq

Isumaqatigiissummut ilaanngillat TELE-POST Centerini sullitanik sullissiffiusartunik nutarterinerni pilersuisutigineqartussat.

### Neqerooruteqartitsinermut tunngasut

Neqerooruteqartumut malugeqquneqassaaq, neqerooruteqartitsinermut pappialaatit tamanut saqqummiunneqarnerisa kingorna taakkuninnga allanngortitsisoqarsinnaanera, soorlu piumasaqaatinik immikkuutitaarinernut, nioqqutinut aammalu neqerooruteqartitsinermi piumasaqaatinut kiisalu naqqiuteqarnernut allagartanut tunngasunik.

Rev. 1.0

Neqerooruteqartooq taamaattumik kajumissaarneqarpoq neqeroortitsineq pillugu paasissutissiisarneq malinnaavigeqqullugu. Naqqiuteqarsimasinnaanerilli neqerooruteqartitsinermut atortussanik piniarsimasunut tamanut nassiussorneqassapput.

Neqerooruteqartitsinermut apeqqutissaqaraanni – allakkatigut saaffiginninnissaq pingaaruteqarpoq, taamaalilluta ilitersuisinnaaniassagatta aammalu qulakkeerlugu neqerooruteqartut tamarmik neqerooruteqarnermut atortussiaq eqqortoq tunniussinnaassagaat, taamaattorli neqerooruteqarnermi piumasaqaatit, piffissamik killiliineq il.il. naammassineqarnissaat pilersuisup tamakkiisumik akisussaaffigai.

Pilersuisut tamarmik assigiimmik pineqassapput, pilersuisussamillu imaluunniit nioqqutinik toqqaanermi salliutitsisoqassanngilaq. Neqerooruteqarusussinnaasunut allanullu attaveqarneq tamarmi allakkatigut ingerlassaaq, taamaattumik una aqqutigalugu attaviginnittoqartassaaq: [indkob@telepost.gl](mailto:indkob@telepost.gl).

Neqerooruteqartitsinissap matuma inernera kiisalu ingerlatsinermi pisut, allanngortitsinernik kinguneqarsinnaapput. Suliakkiiniartoq taamaalilluni pisariaqartitami saniatigut pisussaaffilinngilaq.

Neqerooruteqartup neqerooruteqarnermut atortussiaq maanga ilanngussaq tunngavigalugu akinik nioqqutinullu paasissutissanik il.il. neqeruussaaq.

Neqeroorummut ilanngullugit nassiunneqassapput nioqqutinut uppernarsaat, paasissutissanut allattorsimaffik, nioqqutit neqeroorutigisat ataasiakkaarlutik assingi kiisalu qalipaait allat periarfissaasinnaasut. Tamanna atuuppoq nioqqutinut neqerooruteqarnermi allattuiffimmut allatorneqarsimasunut. Sunut allanut tamanut neqerooruteqarnermut ilanngaattissat ilanngaatigereerlugit akit allattorsimaffiat imaluunniit akit ilanngaateqanngitsut allattorsimaffiat nassiuteqquneqarpoq, %-inngorlugu akikillisaaviginninnermik neqeroorutaasoq ilanngullugu allallugu.

Erseqqissaatigineqassaaq neqeroorutit tiguneqartut isumaqatigiinniutigineqassanngimmata, neqerooruteqartullu neqeroorutigisaminut taamaalilluni akit inaarutaasut aalajangersimasullu, akikillitsinerit pinngitsoornanilu piumasaqaataasut allat tunniutissavai.

Neqerooruteqartup sapinngisaminik qulakkeersimaniassavai tulluuttut naatsumik allaaserinissaat:

- Siornatigut assingusunik pilersuisimanernit paasinaaviusinnaasut
- Neqeroorummut tunngatillugu sullissinissamut neqeroorutit
- Meqqit neqeroorutaasut sunillu nioqquteqarneq kiisalu nioqqutaatinik tamarmiusunik nalinginnaasumik ataqatigiittoqarnera pillugu paasissutissiineq
- Niuernermit atugassarititaasunik allaaserinnineq, soorlu pilersuinermit piunasaqaatit kiisalu nioqqutinik tamanik tunniussivissamut toqqaannartumik ataatsimoortitsisoqarniarnersoq poortuutikunillu tamanik igitsinissaq
- Nioqqutit neqeroorutigineqartut ilisarnaasersornerat pillugu paasissutissiineq pitsaassutsit avatangiiserlu pillugu meqqiliinernut malitassat atuuttut
- Iliuseqarnerit inuiaqatigiinnut attuumassutillit.

#### 4. Piffissaliussanut pilersaarut

Neqerooruteqarnissamut killiliunneqarpoq ulloq 07.04.2021, nal. 12.00, Kitaani nalunaaqutaq malillugu.

Neqeroorutit qulaani taaneqartumit kingusinnerusukkut tiguneqartut itigartinneqassapput.

Neqeroorutit kiisalu pappialaatit ilanngussat tamarmik neqerooruteqartup aqqanik allassimasortaqaassapput, neqeroorutaasorlu atsiorneqarsimassaaq.

Neqeroorutininik ammarterineq peqataaffigineqarsinnaangilaq neqeroorutigineqartulluunniit pillugit, soorlu akinik il.il., paasissutissiisoqarsinnaangilaq.

Pisussanut piffissatut pilersaarutit

Suunerinut piumasaqaatit	Deadline
Neqerooruteqarnermut nalunaarussiaq	17.03.2021 /telepost.gl
Ataatsimiinnermi misissornera	Sap. ak. 11
Apeqqutinik tunniussinissamut killigititaq	24.03.2021 nal. 12.00 Kitaani nalunaaqutaq malillugu
Neqerooruteqarnissamut killiliussiaq	07.04.2021 nal. 12.00 Kitaani nalunaaqutaq malillugu
Suliffiup iluani nalilersuineq isumaqatigiissusiornerlu	Sap. ak. 14-15

#### 5. Apeqqutit

Neqerooruteqartoq kajumissaarneqarpoq apeqqutinik paasinarsaataasunik apeqquteqaqqullugu, neqerooruteqartoq neqerooruteqartitsinermut allakkami, ilanngussani allaniluunniit piumasaqaatinik paasiuminaatsitaqaruni. Taamatuttaaq nioqqutit pillugit apeqquteqartoqarsinnaavoq.

Neqerooruteqartitsinermut tunngatillugu saaffiginnissutit apeqqutillu tamamik allagaassapput kalaallisut/qallunaarut/tuluttulluunniit uungalu ingerlatinneqassallutik:

[indkob@telepost.gl](mailto:indkob@telepost.gl)

Sumut tunnganeranut allaffissami allanneqassaaq: Inventarudbud TELE-POST

Rev. 1.0

Apeqquteqarnissamut killiliunneqarpoq ulloq 24.03.2021 nal. 12.00 Kitaani nalunaaqutaq malillugu, tamatumalu kingorna neqerooruteqartitsinermut atortussanik piniarsimasut tamarmik apeqqutinik akissutinillu ilisarnarunnaarsakkatut isikkulinnik nassinneqassapput.

Neqerooruteqartitsinerup ingerlanerani paasinarsisitsisumik ataatsimeeqatigiinnissaq pisariaqartinneqassappat, tamanna isumaqatigiissutigineqarsinnaavoq mailertoqarneratigut uunga [indkob@telepost.gl](mailto:indkob@telepost.gl), ataatsimeeqatigiinnerniillu taakkunanga imaqarniliaq neqerooruteqartitsinermut atortussanik piniarsimasunut tamanut nassiunneqassaaq. Ataatsimiinnermi misissuineq ingerlanneqarsinnaavoq sap. ak. 11-imi TELE-POST-ip pisiniarnernut immikkoortortaarfiani.

## 6. Annertussuseq

Neqerooruteqartoq allaffeqarfinnut pequtinik makkuninnga imalinnik aalajangersimasumik ataatsimoortunik kiisalu sullissinermik piffissanillu qularnaveeqqusiiffiusunik neqerooruteqassaaq. Taakkununga ilanngullugu neqerooruteqartup ataatsimiiffiusartunut pequtit pilersuissutigisinnaassavai.

- Nerrivik qullartillugulu appartinneqarsinnaasoq, uuttuutai (140 x 80 /160 x 80)
- Kabelinut bakke
- Allaffimmi issiaviit timimut naleqquttut assigiinngitsut pingasut
- Allaffimmi issiavinnut allequtaq
- Sikaavik pingasunik amusarialik
- Reoli sikaavik matulik/parnaarsaatilik iluani pingasunik ilitsivilik
- ligaq assiaqut
- Nerrivimmi assiaqut

Pequtit maskiinartaat elektronikkitaallu minnerpaamik ukiuni tallimani qularnaveeqquteqarnissaat naatsorsuutigineqarpoq.

## 7. Isumaqatigiissut

### Isumaqatigiissusiorfigisaaq

Isumaqatigiissusiorfigineqassaaq neqerooruteqartoq ataatsimut isigalugu pitsaanerpaamik neqeroorusiorsimasooq, taassumalu isumaqatigiissusiorfigineqarnissaanut aalajangiinnermut tunngaviusaaq "aalajangiinnermut tunngaviusut tallimat akornanni pissutsit pitsaanerpaat".



Aalajangiinernut tunngaviusut alliunerusut tulliuuttut atorineqassapput %-inngorlugit naleqqiussuullugit:

Aalajangiinernut tunngaviusut alliunerusut	Procentinngorlugit naleqqiunneqarnerat
Aki (TCO)	40%
Pitsaassuseq atorsinnaassuserlu	25%
Sullissineq pilersuinerlu	15%
Avatangiiseq	10%
Inuiaqatigiinni akisussaaqataaneq	10%

### Aki (TCO)

Aki naatsorsorneqartarpoq neqerooruteqartup pitsaassutsinut immikkoortitaakkanut akit tunniussai tunngavigalugit, tassalu nioqqutinut ilanngussami 1-imi takuneqarsinnaasunut, akikillisaatissatut neqeroorutaasoq neqerooruteqartullu immikkoortitigaasa allat akiisa nalinginnaasumik qaffasissusaallu imminnut katigutsillugit. Pisiniartup pisinnaatitaaffigaa nioqqutini assigiinngitsuni assigiiaanik kusanartunillu toqqartuinissaq piumasaqaatit nassiunneqartut aallavigalugit nalilersuiffigineqartussanik.

Nioqqutit neqeroorutigineqartut nioqqutit immikkoortitaakkatut akiinik oqimaalutaanerit ilanngussami takuneqarsinnaapput, nioqqutit aalajangersimasut akiinik oqimaalutaanerit akimik ataatsimoortumik naatsorsuinerlut ilaassammata 80%-inik oqimaalutaanertalinnik.

Neqerooruteqartup nioqqutissaataanit allanit immikkoortitikkat akii akikilliliissutissatut neqeroorutaasumik ilanngaavigineqassapput, akimillu ataatsimut naatsorsuinermit 20%-inik akikillineqarlutik ilaassapput. Nioqqutit neqerooruteqartoqareerpat kusanarnersiorlugit toqqarneqassapput.

### Pitsaassuseq atorsinnaassuserlu

Pequtinik inissititerineq sapinngisamik allanngortiteriffiusinnaassaaq, nuutsisoqarsinnaassalluni, akuleriissitsisoqarsinnaassalluni kiisalu naleqquttumik oqitsumillu aaqqiisunneqarsinnaassalluni. Taamatut eqaatsumik periaaseqarnerup atuisup pisariaqartitaasa allanngornerinut teknikkikkullu ineriartortitsinermit periarfissanut naleqqussarsinnaanerit qulakkiissavai. Sumi tamarmi atortussiat misilittarneqarsimasut

Rev. 1.0

akuitsullu ator neqassapput. Atortussiat sapigaqalersitsisinnaasut kiisalu atortussiat eqqiaruminaatsut pigineqassanngillat. Annertuumik pingaartinneqassaaq atortussiat ator neqartut sapinngisamik annertunerpaamik nungullajasuunnginnissaat, aserfallatsaaliortariaqanngitsuunissaat aammalu eqqiaruminartuunissaat. Atortussianik toqqaanermi/atuinermi malugeqquneqarpoq, pitsaassusilittut isigineqarmat suut qaavi toqqaannartumik attorneqartartut ima pitsaassuseqartiginerat aammalu annoraaminermut ima assersuunneqarsinnaatiginerat, attorlugit iluaaginarnatik.

### Sullissineq pisianillu tunniussineq

Neqerooruteqartup sullissinerup pitsaassusaata qanoq qaffasitsiginera allattussavaa, soorlu pequtit katiternerinut ikkussuunnerinullu, poortuutikunik igitsiartornermut il.il. qanoq akeqarsinnaanerat.

Pisianik qaqugukkut tunniunneqarnissaat pingaaruteqarpoq, najukkamullu allaffimmut tunniussineq pissaaq TELE-POST-ip suleqatigisaa suleqatigalugu, iliuutsillu aningaasartuutunik ikilisaassutaasinnaasut neqeroorummi ersarissumik allassimassapput.

### Avatangiiseq

Neqerooruteqartup ersarissumik allaaserisimassavaa nungusaataannginneq, atueqqiineq aammalu FSC-mik akuersissutaasinnaasut avatangiiserlu pillugu meqqilersuinerit allat.

### Inuiaqatigiinnut akisussaaqataaneq

Neqerooruteqartup allaaserisavaa inuiaqatigiinnut iliuuseqarnerit suliniutillu, soorlu ilinniartut qassiunerat inunnillu sulisinnaanermikkut akimmiffilinnut tapersersuinernut tunngasut.

## 8. Neqeroorummik tunniussineq

### Neqerooruteqarnermut killissarititaasoq

Neqeroorut tunniunneqassaaq kingusinnerpaamik ulloq 07.04.2021 nal. 12.00 Kitaani nalunaaqutaq malillugu email [indkob@telepost.gl](mailto:indkob@telepost.gl) aqqutigalugu.

Neqeroorummik piffissaq eqqorlugi tunniussisut tiguneqarneranut akissutisissapput.

## 9. Akisussaaffeqarnermut piffissarititaasoq

Neqeroorut unioqqutinneqarsinnaassanngilaq 30.06.2021-p tungaanut.

## 10. Neqeroorutip imaa

### Oqaatsit

Neqeroorut kalaallisut/qallunaatut imaluunniit tuluttut allassimassaaq.

### Neqeroorummut akiliuteqarneq

Neqeroorut atortussallu tassunga ilanngussat pisiniartup pigisarai, taamaattumillu utertinneqassanngillat.

Neqerooruteqarnermut kiisalu nioqqutinik misiliisimasinnaanernut akiliuteqarsimanernut utertitsisoqarneq ajorpoq/akiliuteqartoqarneq ajorpoq.

## 11. Neqeroortitsinermi angusat pillugit ilisimatitsissuteqarneq

Nalilersuineq tamarmi isumaqatigiissusiorfigisassarlu toqqarneqareeraangat, neqerooruteqarsimasut tamarmik aalajangerneq pillugu ilisimatinneqassapput, pilersuisussatullu toqqarneqartumik isumaqatigiissusiortoqassaaq.

## 12. Neqeroorutit nalinginnaasunit appasinneruallaat

Neqeroorutitik tigusimasanik nalilersuinermit neqeroorutitik nalinginnaasunit appasinneruallaanik tigusaqartoqarsimansoq nalilersorneqassaaq, taakkulu itigartinneqassapput tigusimasanillu tamanik nalilersuinermit ilanngunneqassanatik. Itigartitsivittoqalinnginnerani akit aningaasartuutillu neqeroorutaasut pillugit nassuiaanissaq qinnutigineqassaaq.

## 13. Internetikkut iserfissaq

Nioqqutit tamarmik (pinngitsoornani pigineqartussat) internetikkut iserfissaq aqqutigalugu piniarneqarsinnaassapput.

Isumaqatigiissusiorfigisap taamaattumik isertarfik pilersissavaa, taamaalillutik atuisinnaasut aalajangersimasut arlallit pisiniarnermut allagartanik pisiniarnermut immikkoortortaqarfimmut piniarsinnaanngussavaat. Isumaqatigiissusiorfigisap internetikkut iserfissaq taanna nioqqutinut tamanut paasissutissanik – nioqqutip normuanik, taaguutaanik, assinginik ataasiakkaartuuneranik aammalu ataatsip akianik allassimasulik – ataavartumik aaqqissuuttagarissavaa.

## 14. Neqerooruteqartumit nangaassuteqarneq

Neqerooruteqartoq neqerooruteqarnermut atortussami tamarmiusumi immikkoortunik tunngaviusunik annertuumik nangaassuteqarnissamut pissutissaqanngilaq. Nangaassutaasut annertussusaat pisiniartumit nalilersorneqassapput.

Pisiniartuq neqeroorutinik immikkoortunut tunngaviusunut annertuumik nangaassuteqarnernik imalinnik itigartitsinissamut pisussaaffeqarpoq. Neqeroorutit tamakku pinngitsoornani piumasaqaateqarfiusinnaasutut isigineqassanngillat. Nangaassuteqarnerit akimut tunniussamut, piffissanut killiliussanut aalajangersimasunut, piffissamik pilersaarutitut il.il. tunngassuteqartut tamatigut pingaarutilittut isigineqartarput.

Nangaassuteqarsinnaanerit neqeroorummi tamarmiusumi immikkoortunut tunngaviusunut tunngassuteqanngitsut, pisiniartup akissatut aalajangiiffigissavai, akilu taanna neqerooruteqartup neqeroornerminut akigititaanut ilanngunneqassaaq. Pisiniartulli taarsiullugu neqeroorutinik taakkuningga eqqarsaatiginninnginnissani pisinnaatitaaffigaa.